

Bosna i Hercegovina  
Federacija Bosne i Hercegovine  
**Hercegovačko-neretvanski kanton**  
**SKUPŠTINA**  
Broj: 02-02-278/23  
Mostar, 03.10.2023. godine

**IZVOD IZ ZAPISNIKA**  
**sa sedme (VII) redovne sjednice Skupštine**  
**Hercegovačko-neretvanskog kantona**

Sjednica je održana dana 03.10.2023. u sali Skupštine Hercegovačko-neretvanskog kantona u Mostaru sa početkom rada u 12:00 sati.

Sjednicu je otvorio Džafer Alić zamjenik predsjedavajućeg Skupštine Hercegovačko-neretvanskog kantona.

**Prisutni:** Džafer Alić, Daniel Babić, Slavko Bilić, Marija Bošković, Ivana Buntić-Jovanović, Damir Džeba, Josip Grbavac, Sadina Hejub, Omer Hujdur, Salmir Kaplan, Zoran Krešić, Harun Kurtović, Nedžad Maksumić, Tomislav Martinović, Marija Matuško, Zoran Mikulić, Danijela Mišura, Kemal Muratović, Ivan Odak, Oliver Soldo, Dragica Suša, Vesna Šunjić, Mirko Vasilj, Nermin Vrtić, Arman Zalihić, Vesna Saradžić, Zora Dujmović, Iva Raguž i Ismet Lulić.

**Odsutni:** Irma Memidžan.

Konstatirano je da je na sjednici prisutno **29** poslanika, te da postoji kvorum za rad i punovažno odlučivanje.

**Prisutni po pozivu:** predstavnici Vlade, predstavnici Zavoda za javno zdravstvo HNK, predstavnici službe gradskog vijeća Grada Čapljina, predstavnici Narodne biblioteke HNK, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Zamjenik predsjedavajućeg Skupštine HNK Džafer Alić izvijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Otvorena je rasprava po prijedlogu dnevnog reda.

U raspravi su učestvovali: Salmir Kaplan, Ivan Odak, sekretar Skupštine HNK Željka Čule, Džafer Alić, Tomislav Martinović, Vesna Saradžić, Arman Zalihić, Iva Raguž, Vesna Šunjić, Harun Kurtović, Mirko Vasilj i Danijel Babić.

Poslanik Salmir Kaplan uputio je prijedlog prema stručnoj službi Skupštine HNK, da uz tačku dnevnog reda bude označen i predlagatelj iste.

Poslanica Vesna Saradžić predložila je dopunu dnevnog reda slijedećim Zaključkom:

**Zadužuje se Vlada HNK-a da u što skorijem roku osigura dodatna sredstva kroz tekuću rezervu za nesmetan rad i javne ustanove dom zdravlja Konjic kako ne bi izgubila status ustanove primarne zdravstvene zaštite a građani i zdravstvo i zdravlje.**

Poslanik Salmir Kaplan predložio je da se tačka 5. Prijedlog Odluke o davanju saglasnosti na izmjene i dopune Pravila Narodne biblioteke HNK povuče s dnevnog reda sjednice Skupštine HNK.

Ispred zakonodavno pravne Komisije obrazloženje je dao Daniel Babić, predsjednik iste:

Na osnovu člana 34 stav 1 poslovnika Skupštine HNK razmatran je Prijedlog Zakona o izmjenama i dopunama zakona o materijalnoj podršci porodicima sa djecom te donijela sljedeće mišljenje:

Postoji ustavni i zakonski osnov za donošenje Prijedloga Zakona o izmjenama i dopunama zakona o materijalnoj podršci porodicima s djecom i ispunjeni su svi uslovi člana 125 Poslovnika o radu Skupštine da se Zakon može razmatrati po skraćenoj proceduri.

Mišljenje koje se odnosi na Zakon o dopunskim pravima branilaca i članova njihovih porodica u HNK, isto tako na osnovu člana 34 stav 1 Poslovnika Skupštine HNK, ova komisija je razmatrala dostavljeni Prijedlog Zakona o dopuni Zakona o pravima branilaca i članova njihovih porodica te donijelo sljedeće mišljenje:

Postoji ustavni i zakonski osnov za donošenje Prijedloga Zakona o dopuni Zakona o dopunskim pravima branilaca i članova njihovih porodica i isto tako ispunjeni su svi uslovi člana 125 Poslovnika o radu Skupštine da se Zakon može razmatrati po skraćenoj proceduri.

Usljedila je **pauza** od 20 minuta.

Nakon pauze Kolegij Skupštine HNK je usuglasio stavove i povukao tačku 5. Prijedlog Odluke o davanju saglasnosti na izmjene i dopune Pravila Narodne biblioteke HNK s dnevnog reda.

Poslanica Vesna Saradžić odustala je od dopune dnevnog reda predloženim Zaključkom kojeg je preformulisala u poslaničku inicijativu.

Zamjenik predsjedavajućeg Skupštine HNK Džafer Alić predložio je sljedeći dnevni red:

- 1. Poslanička pitanja,**
- 2. Prijedlog Zakona o izmjenama i dopunama Zakona o materijalnoj podršci porodicama s djecom HNK (skraćeni postupak),**
- 3. Prijedlog Zakona o dopuni Zakona o dopunskim pravima branilaca i članova njihovih porodica u HNK (skraćeni postupak),**
- 4. Prijedlog Odluke o davanju saglasnosti na Prijedlog izmjena i dopuna Prostornog plana Grada Čapljina,**
- 5. Prijedlog Odluke o davanju saglasnosti na Statut Zavoda za javno zdravstvo HNK.**

Obavljeno je glasanje da se o Prijedlogu Zakona o izmjenama i dopunama Zakona o materijalnoj podršci porodicama s djecom HNK raspravlja po skraćenom postupku.

Nakon glasanja sa 28 glasova „Za“, i 1 glasom „Protiv“, usvojeno je da se o Prijedlogu Zakona o izmjenama i dopunama Zakona o materijalnoj podršci porodicama s djecom HNK raspravlja po skraćenom postupku.

Obavljeno je glasanje da se o Prijedlogu Zakona o dopuni Zakona o dopunskim pravima branilaca i članova njihovih porodica u HNK raspravlja po skraćenom postupku.

Nakon glasanja sa 28 glasova „Za“, i 1 „Suzdržanim“ glasom, usvojeno je da se o Prijedlogu Zakona o dopuni Zakona o dopunskim pravima branilaca i članova njihovih porodica u HNK raspravlja po skraćenom postupku.

Jednoglasno je usvojen i zapisnik sa 5. redovne sjednice Skupštine HNK.

## **1. Poslanička pitanja**

**Arman Zalihić:**

**Poslanička inicijativa:**

Inicijativa na osnovu člana 83. stav 1. tačka a) poslovnika Skupštine. Podnosim inicijativu za donošenje Zakona o socijalnom stanovanju HNŽ/K-a . Mnogi kantoni su ovakav Zakon donijeli, dakle znamo da u jedinicama lokalne samouprave je prilično nesređeno stanje, barem što se tiče Mostara , Dakle inicijativa je ministarstva zdravstva i socijalnog rada HNK-a , ovdje bi se kažem okvirno postavili neki uvjeti socijalnog stanovanja , definirali ugovor ,definirali korisnici a onda bi bliže uvijete i kriterije svojom zasebnom odlukom gradskih općinskih vijeća definirali jedinice lokalne samouprave koji u većini slučajeva raspolažu ovom imovinom a nadležni odjel bi dobio i zadatak da vodi evidenciju tih stanova iz područja socijalnog stanovanja i na jedan normalan način bi uredili ovu oblast.

**Danijela Mišura:**

**Poslaničko pitanje upućeno predsjedniku Vlade HNK i ministarstvu finansija**

**Vlade HNK:**

Kome je i u kojem iznosu HNK isplatila novčana sredstva na temelju pravomoćnih presuda nadležnih sudova datiranih od 1.1.2008 god. pa do 30.9.2023. godine?

**Salmir Kaplan:**

**Poslanička inicijativa upućena Vladi HNK:**

Inicijativa dovođenja video nadzora svim obrazovnim objektima u HNK.

**Ivan Odak:**

**Poslanička inicijativa upućena ministarstvu zdravstva rada i socijalne zaštite**

**HNK:**

1.Na osnovu zahtjeva zdravstvenih djelatnika izvršiti pripreme i usuglasiti kalkulacije potrebne za rješavanje zahtjeva zdravstvenih radnika te pripremiti i žurno usvojiti rebalans županijskog proračuna za 2023. godinu koji će se adekvatno alocirati sredstva koja već postoje na županijskom računu.

2.Uspostaviti maksimalno povjerenje kroz čvrst socijalni dijalog između vlade sindikata i poslodavaca i dogovoriti dugoročne mjere za održavanje stabilnosti zdravstvenog sustava u HNŽ-u.

3.Usvojiti kriterije i indikatore kojima će se kontinuirano pratiti provedba mjera na poboljšanju uvjeta za djelatnike u zdravstvu i održavanje i postizanje kvalitete zdravstvenih usluga kao i sankcije za ne provođenje odgovornih mjera.

**Omer Hujdur:**

**1. Poslaničko pitanje i inicijativa upućena ministarstvu obrazovanja nauke, kulture i sporta HNK:**

Koliko sredstava se izdvoji kroz budžet HNK kantona za potrebe univerziteta i sveučilišta i da li se ta sredstva uplaćuju namjenski. Inicijativa koja prati ovo jeste: Predlažem da se dodatno izdvoje novčana sredstva za održavanje ,uređenje površina koje pripadaju ovim obrazovnim institucijama. Ali namjenska sredstva za održavanje ovih.

## **2. Poslaničko pitanje i inicijativa upućena ministarstvu obrazovanja nauke, kulture i sporta HNK:**

Da li je moguće da se zapošljavanje u obrazovne institucije na mjesta predavača mogu vršiti i vrše bez konkursnih procedura, po zakonu o osnovnom obrazovanju po članu 85.

Zato predlažem da član 85. Zakona o osnovnom obrazovanju HNK koji dozvoljava zapošljavanje bez konkursne procedure bude izbrisan ili u najmanju ruku dorađen sa jasno utvrđenim kriterijima za zapošljavanje.

### **Vesna Saradžić:**

#### **Poslanička inicijativa upućena Zavodu zdravstvenog osiguranja HNK**

Pokrećem inicijativu da zavod zdravstvenog osiguranja HNK omogući pristup neinvazivnim prenatalnim testovima za sve trudnice u HNK na način da u potpunosti preuzme financiranje testiranja.

### **Mirko Vasilj:**

#### **Poslanička inicijativa upućena Skupštini HNK:**

U skladu s člankom 83. poslovnika o radu skupštine podnosim zastupničku inicijativu za organizaciju tematske sjednice o zdravstvu u HNŽ-u sa sljedećim tačkama dnevnog reda: Stanje u primarnoj zaštiti u HNŽ-u , Izvještaj o financijskoj reviziji sveučilišne kliničke bolnice Mostar, Izvještaj o financijskoj reviziji javne ustanove Dom zdravlja Konjic, Izvještaj o financijskoj reviziji zavoda zdravstvenog osiguranja HNŽ-a, Kreditno zaduženje za bolnice, Plan i program zdravstvene zaštite u HNŽ-u i ugovaranje zdravstvenih usluga u HNŽ-u.

### **Marija Matuško:**

#### **1. Poslanička inicijativa upućena predsjedniku Vlade HNK i Rašidu Hadžoviću - ministru prosvjete, nauke, kulture i sporta u Vladi HNK:**

Implementacija usvojene strategije za mlade HNŽ-e za period 2023-2028 godine.

#### **2. Poslanička inicijativa upućena Adnanu Faladžiću - ministru finansija u Vladi HNK:**

Prijedlog zakonskog rješenja s ciljem usmjeravanja stambene politike za mlade.

### **Vesna Šunjić:**

#### **1. Poslanička inicijativa upućena Nevenku Herceg predsjedniku Vlade HNK i Rašidu Hadžoviću - ministru prosvjete nauke, kulture i sporta u Vladi HNK:**

Podnosim inicijativu Vladi HNK i ministarstvu obrazovanja, nauke, kulture i sporta HNK da podrže organizaciju prvog državnog kato prvenstva BiH 2023 godine u džudu koja će se održati 9.12. u Mostaru.

#### **2. Poslanička inicijativa upućena zamjenicima predsjedavajućeg Skupštine HNK:**

Podnosim inicijativu za organizaciju tematske sjednice o visokom obrazovanju u HNK-u sa sjedećim tačkama dnevnog reda. Prijedlog načina finansiranja , ciklusa obrazovanja i sredstava proračuna na temelju standarda i normativa, razmatranje izvještaja o radu što je obveza prema zakonu visokog obrazovanja. Razmatranje izvještaja o financijskoj reviziji sveučilišta u Mostaru , odnosno izvještaj o praćenju,

postupanju po preporukama i izvještaj o finansijskoj reviziji univerziteta Džemal Bijedić.

**1. Poslaničko pitanje upućeno predsjedniku Vlade HNK:**

Molim da mi dostavite informaciju o mogućnostima neposrednog prilaza osoba sa teškoćama kretanju odnosno korisnicima invalidskih kolica u kantonalnim institucijama.

**2. Poslaničko pitanje upućeno Adnanu Faladžiću, ministru finansija u Vladi HNK:**

Molim da mi dostavite informaciju o izvršenju budžeta na dan 30.9.2023 godine za sljedeće stavke: Troškovi smještaja i psiho socijalna podrška žrtvama nasilja, troškovi smještaja za žrtve obiteljskog nasilja , troškovi smještaja za žrtve trgovine ljudima, kao i informaciju o broju zaposlenih u zavodu za pružanje besplatne pravne pomoći HNK-a.

**Oliver Soldo:**

**Poslanička inicijativa upućena Kolegiju Skupštine HNK:**

Zahtijevam urediti proceduru i okvir za podnošenje inicijativa i zastupničkih pitanja. Tehnički, tko podnosi, kome je upućena inicijativa ili zastupničko pitanje , sadržaj inicijative ili poslaničkog pitanja jasno ne dvosmisleno naveden uz kratko obrazloženje.

**Harun Kurtović:**

**Poslanička inicijativa upućena MUP HNK:**

Smatram za potrebnim, hitnu analizu i reakciju od strane MUP-a HNK o sprečavanju novih kritičnih dešavanja na lokalitetu Blagaj, odnosno iniciram hitno postavljanje radara za mjerenje brzine i druge potrebne radnje koje će zaštititi kretanje stanovništva na ovom području.

**2.Prijedlog Zakona o izmjenama i dopunama Zakona o materijalnoj podršci porodicama s djecom HNK (skraćeni postupak)**

Obrazloženje je dala Alma Kozo, pomoćnik ministra zdravstva rada i socijalne zaštite u Vladi HNK.

Otvorena je rasprava.

U raspravi su učestvovali: Danijel Babić, Tomislav Martinović, Alma Kozo, Iva Raguž, Damir Džeba i Harun Kurtović.

Poslanik Daniel Babić predložio je slijedeći Zaključak:

Na osnovu člana 39. Ustava Hercegovačko-neretvanskog kantona („Službene novine HNK”, broj: 2/98, 3/98, 4/00, 7/04 i 6/21) i člana 95. Poslovnika o radu Skupštine Hercegovačko-neretvanskog kantona („Narodne .Novine HNK“, broj: 2/05), Skupština Hercegovačko-neretvanskog kantona na sjednici održanoj dana 03.10. 2023. godine usvaja

## ZAKLJUČAK

### I

Zadužuje se Ministarstvo zdravstva, rada i socijalne zaštite HNK da pokrene postupak za izradu prijedloga Zakona o izmjenama i dopunama Zakona o materijalnoj podršci porodicama s djecom HNK kojim će propisati pravo na dječji doplatak za djecu bez jednog ili oba roditelja, te isti dostavi Vladi HNK na usvajanje.

### II

Zadužuje se Vlada HNK da dostavljeni prijedlog Zakona o izmjenama i dopunama Zakona o materijalnoj podršci porodicama s djecom HNK razmatra i usvoji po skraćenom postupku, iz razloga što se ne radi o složenom i obimnom Zakonu, i što su Budžetom HNK za 2023. godinu osigurana finansijska sredstva za njegovu provedbu.

### III

Rok za izvršenje prednje navedenih zaduženja je 45 dana od dana usvajanja ovog Zaključka.

### IV

Zaključak stupa na snagu danom donošenja i objavit će se u „Službenim novinama Hercegovačko-neretvanskog kantona“.

Obavljeno je glasanje o Prijedlogu Zakona o izmjenama i dopunama Zakona o materijalnoj podršci porodicama s djecom HNK (skraćeni postupak).

Nakon glasanja konstatovano je da je Prijedlog Zakona o izmjenama i dopunama Zakona o materijalnoj podršci porodicama s djecom HNK (skraćeni postupak) jednoglasno usvojen.

Obavljeno je glasanje o navedenom Zaključku poslanika Danijela Babića.

Konstatovano je da je sa 21. glasom „Za“, 3. „Suzdržana“ glasa i glasom „Protiv“ usvojen Zaključak poslanika Danijela Babića.

### **3.Prijedlog Zakona o dopuni Zakona o dopunskim pravima branilaca i članova njihovih porodica u HNK (skraćeni postupak)**

Obrazloženje je dao Oliver Soldo, ministar za pitanje branilaca u Vladi HNK.

Otvorena je rasprava.

U raspravi su učestvovali: Arman Zalihić, Oliver Soldo, Omer Hujdur i Slavko Bilić.

Oliver Soldo predložio je slijedeći amandman:

#### **Amandman 1:**

U članu 39a. u stavu (1) broj „5“ zamjenjuje se brojem „6“.

U članu 39a. u stavu (2) broj „5“ zamjenjuje se brojem „6“.

U članu 39a. iza stava (4) dodaje se stav (5) koji glasi:

„(5)“ Obračun i isplata novčanog iznosa utvrđenog stavom (1) i (2) ovog člana primjenjivati će se počevši od 01.01.2024. godine.

Zastupnik Arman Zalihić predložio je slijedeći amandman:

**Amandman 1:**

Vlada Hercegovačko-neretvanskog kantona će akt iz člana 18. stav (1) donijeti u roku od 60 dana od dana stupanja na snagu ovog Zakona.

Zaključena je rasprava po ovoj tački dnevnog reda.

Nakon što se Vlada izjasni na 2 uložena amandmana na Prijedlog Zakona o dopuni Zakona o dopunskim pravima branilaca i članova njihovih porodica u HNK (skraćeni postupak), uslijedit će glasanje o istom.

**4. Prijedlog Odluke o davanju saglasnosti na Prijedlog izmjena i dopuna Prostornog plana Grada Čapljina**

Obrazloženje je dao ovlašteni predlagач ispred stručne službe Grada Čapljina.

Otvorena je rasprava.

U raspravi su učestvovali: Omer Hujdur, Iva Raguž, Ivan Odak, Mirko Vasilj, ministar Donko Jović.

Obavljeno je glasanje o Prijedlogu Odluke o davanju saglasnosti na Prijedlog izmjena i dopuna Prostornog plana Grada Čapljina.

Nakon glasanja konstatovano je da sa 18 glasova „Za“, 2 glasa „Protiv“ i 8 „Suzdržanih“ glasova usvojen Prijedlog Odluke o davanju saglasnosti na Prijedlog izmjena i dopuna Prostornog plana Grada Čapljina.

**5. Prijedlog Odluke o davanju saglasnosti na Statut Zavoda za javno zdravstvo HNK**

Obrazloženje je dao ovlašteni predlagач ispred Zavoda za javno zdravstvo HNK.

Otvorena je rasprava.

U raspravi su učestvovali: Vesna Šunjić i Salmir Kaplan.

Obavljeno je glasanje o Prijedlogu Odluke o davanju saglasnosti na Statut Zavoda za javno zdravstvo HNK.

Nakon glasanja konstatovano je da sa 23 glasa „Za“, 1 „Protiv“, i 3 „Suzdržana“ glasa, usvojen Prijedlog Odluke o davanju suglasnosti na Statut Zavoda za javno zdravstvo HNK.

**\*Izjašnjavanje o amandmanima na Prijedlog Zakona o dopuni Zakona o dopunskim pravima branilaca i članova njihovih porodica u HNK (skraćeni postupak)**

Obrazloženje je dao Adnan Faladžić, ministar finansija u Vladi HNK.

U obrazloženju je naveo kako je Vlada HNK nakon održane sjednice prihvatila 2 uložena amandmana, isti su uloženi od poslanika Olivera Soldo i poslanika Armana Zalihića.

**Amandman poslanika Olivera Soldo je prihvaćen i on glasi:**

U članu 39a. u stavu (1) broj „5“ zamjenjuje se brojem „6“.

U članu 39a. u stavu (2) broj „5“ zamjenjuje se brojem „6“.

U članu 39a. iza stava (4) dodaje se stav (5) koji glasi:

„(5)“ Obračun i isplata novčanog iznosa utvrđenog stavom (1) i (2) ovog člana primjenjivati će se počevši od 01.01.2024. godine.

**Amandman poslanika Armana Zalihića je prihvaćen i on glasi:**

Vlada Hercegovačko-neretvanskog kantona će akt iz člana 18. stav (1) donijeti u roku od 60 dana od dana stupanja na snagu ovog Zakona.

**\*Navedeni amandmani postaju sastavni dio Zakona.**

Obavljeno je glasanje o Prijedlogu Zakona o dopuni Zakona o dopunskim pravima branilaca i članova njihovih porodica u HNK (skraćeni postupak) sa navedenim amandmanima.

Nakon glasanja konstatovano je da je sa 26 glasova „Za“, 1 „Protiv“ glas, usvojen Prijedlog Zakona o dopuni Zakona o dopunskim pravima branilaca i članova njihovih porodica u HNK (skraćeni postupak) sa navedenim amandmanima.

Sjednica je završila s radom u 17:30 sati.

**ZAMJENICI PREDSDJEDAVAJUĆEG**

Tomislav Martinović

\_\_\_\_\_

Džafer Alić

\_\_\_\_\_